



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma Bvllarii Earvmve Svmmorvm Pontificvm  
Constitvtionvm Qvae Ad Commvnem Ecclesiae Vsvm post  
volumina Iuris Canonici, vsq[ue] ad Sanctissimum D. N.  
D. Pavlvn Papam V. emanarunt**

**Quaranta, Stefano**

**Venetiis, 1619**

Fidei professionis forma à Latinis.

**urn:nbn:de:hbz:466:1-10793**

Item ad fauorem prædicti Officij Fabricæ per Pium V. fuit prouifum, quod duæ sententiæ diffinitiuæ in caufis Fabricæ Sancti Petri faciant rem iudicatam in ea parte, in qua funt conformes, & commiffiones appellationum, quæ concederentur, intelligantur cum claufula, fine præiudicio executionis duarum conformium, vt in eius Bulla incip. Et fi omnium litium &c. fol. 1066. in Bullar.

De erectione Collegij Fabricæ Basilicæ S. Petri de Vrbe, eiusque Officialibus, facultatibus, iurisdictione, indultis, exemptionibus, vide constitutionem Clem. VII. incip. Admonet nos &c. fol. 292. in Bullar.

### FIDEI PROFESSIO.

**P**RÆTER Summas sciendum est, quod publicam fidei professionem facere tenentur prouisi de cathedralibus, canonicatibus dignitatibus, & alijs quibuscunque beneficijs ecclesiasticis, curam animarum habentibus ex Concil. Triden. decreto sess. 24. c. 1. & 12. de refor. gener.

In Concilio Provinciali, & Synodo diocesana emittitur etiam ab his qui de iure, vel consuetudine interesse debent ob decretum Conc. Trid. sess. 25. c. 2. de refor. gener. Quicunque de monasterijs, conuentibus, domibus, & alijs quibuscunque locis regularium quorumcunque ordinum, etiam militiarum quocunque nomine vel titulo prouidentur ex Pii. 4. Constitutione de anno 1564. Idibus Nouëbris Incip. Iniunctum. Videlicet.

Iniunctum nobis Apostolicæ seruitutis officium requirit, vt ea quæ Dominus Omnipotens, ad prouidam Ecclesiæ suæ directionem, Sanctis Patribus, in nomine suo cōgregatis diuinitus inspirare dignatus est, ad eius laudem, & gloriam incunctanter exequi properemus. Cum itaq; iuxta Concilij Trid. dispositionem, omnes, quos deinceps Cathedralibus, & Superioribus Ecclesijs præfici, vel quibus de illarum dignitatibus Canonicatibus, & alijs quibuscunque beneficijs ecclesiasticis curam animarum habentibus, prouideri contingeret, publicam Orthodoxæ fidei professionem facere, seque in Romanæ Ecclesiæ obedientia perturbatos, spondere, & iurare teneantur: Nos volentes etiam per quoscunque quibus de monasterijs, Conuentibus Domibus, & alijs quibuscunque locis, Regularium quorumcunque Ordinum, etiam Militiarum, quocunque nomine, vel titulo prouidebitur, idem seruari, & ad hoc, vt vnus eiusdem fidei professio vniformiter ab omnibus exhibeatur, vnicaque, & certa illius forma cunctis innotescat, nostræ sollicitudinis partes, in hoc alicui minime desiderari, formam ipsam præsentibus annotatam, publicari, & vbique gentium per eos, ad quos ex decretis ipsius Concilij, & alios prædictos spectant, recipi, & obseruari, ac sub pœnis per Concilium ipsum in contraueniens latis, iuxta hanc, & non aliam formam, professionem prædictam solenniter fieri auctoritate Apostolica tenore præsentium districte precipiendo mandamus, huiusmodi sub tenore.

Qui Summus Pont. de ea emittenda in ordinatione, & promotione Doctorum, & per alios cuiusvis artis, & facultatis professores altera eius Consti. prouidit eodem die, & anno, incip. In sacrosancta. fol. 829. in Bullario. Videlicet.

In sacrosancta Beati Petri Principis Apostolorum Cathedra, meritis licet imparibus, hæc procellis militantis Ecclesiæ tempestatibus constitutos, plurimum nos oportet esse sollicitos, vt Domini gregem curæ nostræ commissum non solum

solum ab apertis rapacium luporum vndeunque caulis obstrepentium insulti-  
 bus, sed etiam a magis formidolosis pestiferum vulpecularum domi latitantium  
 insidiis, per prouidum pastoralis officii ministerium, ipso Domino cooperante  
 praefereamus, ac illis omnes nocendi occasiones, quantum cum Deo possu-  
 mus, vbi libet auferamus. Cum itaque iuxta notum Sanctissimi vatis oracu-  
 lum, timor Domini, sine quo vera Religio, & Catholice fidei puritas nul-  
 libi reperitur, sapientia sit initium, & qui, vel in scientis proficere, vel eas alios do-  
 cere parant, supremum illum sapientiae parentem, benignumque largitorem deuoto  
 sanæ fidei obsequi demereri, vtraque sincera Religionis pietate sibi conciliare de-  
 beat. Idcirco hanc fidei puritatem scientiis, doctrinisque quibuslibet tū tradendis,  
 tū addiscendis, tanquā necessariam basim, constituere, & ne simplicia non nullo  
 rū adolescentiū res nouas audiēdi cupidorū ingenia, in naufragos blandientiū  
 hærēsū scopulos imprudēter impingant, occurrere cupiētes; Motu proprio, & ex  
 certa scientia nostra ac de Apostolica potestatis plenitudine; quod deinceps nul-  
 lus Doctor, Magister, Regens, vel alius cuiuscunque artis, & facultatis professor,  
 siue Clericus, siue Laicus, ac Secularis, vel cuiusuis Ordinis Regularis sit, in quī-  
 busuis studiorum generalium Vniuersitatibus, aut Gymnasijs publicis, aut alibi  
 ordinariam, vel extraordinariam Lectoris Cathedram assequi, vel iam obtentam  
 retinere, seu alias Theologiam, Canoniam, vel Ciuilem censuram, Medicinam,  
 Philosophiam, Grammaticam, vel alias liberales artes, in quibuscunque Ciuitati-  
 bus, Terris, oppidis, ac locis, etiā in Ecclesijs, Monasterijs, aut Conuentibus Re-  
 gularium quorumcunque, publice, vel priuatim quoquomodo profiteri, seu le-  
 ctione reliquas in facultatibus huiusmodi habere, vel exercere. Neque Doctores ip-  
 si, aut Vniuersitatum, seu Gymnasiorum eorundem Rectores, Cancellarij, vel alij  
 Superiores, sed nec etiam Palatini Comites aut alij particulares facultatem erudi-  
 tos viros ad eosdem gradus promouendi, etiam a Nobis, & Apostolica Sede, vel  
 alias vndeunque habentes Scholares, tā Laicos, quam Clericos, & cuiusuis ordi-  
 nis regulares, vel alios quoscunque quantalibet eruditione praeditos ad vllū gra-  
 dum in eisdem facultatibus suscipiendum recipere, & admittere. Neque Doctores,  
 Magistri, & Scholares ad electionem alicuius in Rectorem, vel Cancellarium  
 Vniuersitatis, aut Gymnasij procedere. Nec ipsi Scholares, vel alij quantumlibet  
 docti, & alioqui habiles, gradus huiusmodi, vel eorum aliquem, palam, vel pri-  
 uatim recipere valeant, Nisi Doctores videlicet, ac Regentes, Magistri, & alij pro-  
 fessores iam ad Cathedras, & lecturas recepti, in Italia infra tres, extra vero illam  
 infra sex menses a die publicationis presentium computandos reliqui vero ad Ca-  
 thedras, & alias lecturas ibidem in posterum assumendi ante illorum receptionē  
 in Rectoris, vel aliorum Superiorum, Eligendi autem in Rectores, vel Canc. ante  
 illorum electionem, vel saltem admissionem ordinarij loci, vel eius in spiritualib.  
 Vicarij, Ac promouendi Scholares, & alij praefati, ante illorum promotionem in  
 eiusdē Ordinarij, seu eius Vicarij, aut Doctorum aliorumue promouentium ma-  
 nibus, prauo etiam processu, vel debita informatione, quantum eis sufficere vi-  
 debitur super Religione, fideq. Catholica, Rectorum, Cancellariorum, Doctorū  
 Lectorum, & promouendorum eorundem per ipsos locorum Ordinarios, vel eo-  
 rum Vicarios rite facta praecedente, eandem Catholicam fidem, verbis, iuxta for-  
 mae infra scriptae tenorem conceptis palam, & solenniter profiteri teneantur. Et  
 desuper instrumentum publicum cōfici, ac de processu seu informatione, & fidei  
 professione in Priuilegio Doctoratus, vel alterius gradus huiusmodi specialis, ac  
 de verbo ad verbum metio, & relatio fidei debeat auctoritate Apostolica tenore

Y praesen-

praesentium perpetuo statuimus, & ordinamus. Ac omnibus, & singulis eandem Vniuersitatum, & Gymnasiorum Rectoribus, Doctoribus, & aliis Superioribus, ac alias facultatem Doctorandi habentibus, cuiuscunque status, gradus, ordinis, conditionis, & praeminentiae fuerint, si Episcopali, Archiepiscopali, Patriarchali, vel maiori dignitate, etiam Cardinalatus honore, ac Ducali, vel alia etiam Regia, & Imperiali auctoritate praesulgeant, nequam in Vniuersitatibus, Ciuitatibus, Oppidis, vel aliis locis sibi in spiritualibus, vel temporalibus subiectis, aliter Cathedras, aut alias lectiones retinere, consequi, vel ad gradus promoueri respectiue patiantur in virtute Sanctae Obedientiae, & sub interdico ab ingressu Ecclesiae, quo ad Antistites, quo vero ad inferiores sub excommunicationis lata sententia, nec non priuatione omnium, & singulorum dignitatum, beneficiorum, officiorum, & feudorum Ecclesiasticorum per eos quomodolibet obtentorum, & inhabilitatis ad illa, & alia in posterum obtinenda, eo ipso per contrascentes incurrendis poenis districtius prohibemus, Ac quascunque receptiones, promotiones, electiones, & admissiones absque processu, certeque de Religione, & fide Catholica noitia, ac dicta fidei professione sic (vt praefertur) praecedente, pro tempore factas, nullas, inualidas, nulliusque roboris, vel momenti esse, neque cuiquam in iudicio, vel extra suffragari posse, sicque per quoscunque Iudices, & Commissarios, quauis auctoritate fungentes, sublata eis, & eorum cuilibet quauis aliter iudicandi, & interpretandi facultate, & auctoritate, iudicari, et diffiniti debere, ac quicquid seus a quoquam quauis auctoritate scienter, vel ignoranter attentari contigerit, irritum, & inane decernimus. Non obstantibus &c.

Forma autem dictae professionis Fidei haec est.

Ego N. firma fide credo, & profiteor omnia, & singula, quae continentur in Symbolo fidei, quo Sancta Romana Ecclesia utitur, videlicet; Credo in vnum Deum Patrem, omnipotentem factorem caeli, & terrae, visibilium omnium, & invisibilium, & in vnum Dominum Iesum Christum filium Dei unigenitum, & ex Patre natum ante omnia saecula Deum de Deo, lumen de lumine Deum verum de Deo vero, genitum non factum, consubstantialem Patri, per quem omnia facta sunt. Qui propter nos homines, & propter nostram salutem descendit de caelis, & incarnatus est de Spiritu Sancto ex Maria virgine, & homo factus est. Crucifixus etiam pro nobis sub Pontio Pilato, passus, & sepultus est, & resurrexit tertia die secundum scripturas, & ascendit in caelum, sedet ad dexteram Patris, & iterum venturus est cum gloria iudicare viuos, & mortuos, cuius regni non erit finis, & in Spiritum Sanctum Dominum, & viuificantem qui ex Patre Filioque procedit, qui cum Patre, & Filio simul adoratur, & conglorificatur, qui loquutus est per Prophetas, & vnam sanctam catholicam, & Apostolicam ecclesiam, confiteor vnum baptisma in remissionem peccatorum, & expecto resurrectionem mortuorum, & vitam venturi saeculi. Amen.

Apostolicas, & ecclesiasticas traditiones, reliquasque eiusdem ecclesiae obseruationes, & constitutiones firmissime admitto, & amplector.

Item sacram scripturam, iuxta eum sensum, quem tenuit, & tenet Sancta Mater Ecclesia, cuius est iudicare de vero sensu, & interpretatione sacrarum scripturarum admitto; nequam vnquam, nisi iuxta vnam animam consensum Patrum accipiam, & interpretabor.

Profiteor quoque septem esse vere, & proprie sacramenta nouae legis a Iesu

su Christo Domino nostro instituta, atque ad salutem humani generis, licet non omnia singulis necessaria, scilicet Baptismum, Confirmationem, Eucharistiam, Penitentiam, extremam Vnctionem, Ordinem, & Matrimonium, illaque gratiam conferte, & ex his Baptismum, confirmationem, & ordinem, sine sacri- legio reiterari non posse.

Receptos quoq; & approbatos Ecclesie Catholice ritus in supradictorum ora- nium sacramentorum solenni administratione recipio, & admitto.

Omnia, & singula, quæ de peccato originali, & de iustificatione in Sacrosan- cta Tridentina Synodo definita, & declarata fuerunt amplector, & recipio.

Profiteor pariter in Missa offerri Deo verum, proprium, & propiciatorium sa- crificium pro viuis, & defunctis, atque in sanctissimo Eucharistie sacramento ef- se vere, realiter, & substantialiter corpus, & sanguinem, vna cum animo, & diui- nitate Domini nostri Iesu Christi, fierique conuersionem totius substantie panis in corpus, & totius substantie vini in sanguinem, quam conuersionem catholica ecclesia transubstantiationem appellat.

Fateor etiam sua altera tantum specie totum, atque integrum Christum, ve- rumque sacramentum sumi.

Constanter teneo Purgatorium esse, animasque ibi detentas fidelium suffra- gij iuari.

Similiter, & Sanctos, vna cum Christo regnantes, venerandos, atque inuo- candos esse eosque orationes Deo pro nobis offerre, atque eorum reliquias esse ve- nerandas.

Firmiter assero imagines Christi, ac Deiparæ semper Virginis, nec non alio- rum Sanctorum habendas, & retinendas esse, atque eis debitum honorem, ac ve- nerationem impariendam.

Indulgentiarum etiam potestatem a Christo in ecclesia relictam fuisse, illarum que vsus Christiano populo maxime salutarem esse affirmo.

Sanctam Catholicam, & Apostolicam Romanam Ecclesiam, omnium eccle- siarum matrem, & magistram agnosco.

Romanoque Pontifici Beati Petri Apostolorum Principis successori, ac Iesu Christi Vicario, veram obedientiam spondeo, ac iuro.

Cetera item omnia a sacris canonibus, & œcumenicis concilijs, ac præcipue a Sacrosancta Tridentina Synodo tradita, definita, & declarata indubitanter reci- pio, atque profiteor, simulque cõtraria omnia, atque hæreses quascunque ab eccle- sia damnatas, & reiectas, & anathematizatas, ego pariter damno, reijcio, & ana- thematizo.

Hanc veram catholicam fidem, extra quam nemo saluus esse potest, quam in præsentis sponte profiteor, & veraciter teneo, eandem integram, & inuiolatam, vsque ad extremum vitæ spiritum constantissime, Deo adiuuante retinere, & con- fiteri, atque a meis subditis, seu illis, quorum cura ad me in munere meo specta- bit, teneri, doceri, & prædicari quantum in me erit curaturum. Ego idem N. spon- deo, voueo, ac iuro: sic me Deus adiuuet, & hæc Sancta Dei Euangelia.